

禮

記

訓

纂

禮記訓纂卷七

曾子問第七

正義鄭目錄云名為曾子問者以其記所問多明於禮故著姓名以顯之曾子孔子

弟子曾參此於別錄屬喪服

曾子問曰君薨而世子生如之何孔子曰卿大夫士從攝

主北面於西階南

注變於朝夕哭位也攝主上卿代君聽國政江氏永曰攝主即下文大宰喪則

攝拜賓朝則攝政

大祝禫冕執束帛升自西階盡等不升堂命毋

哭

注將有事宜清靜也禫冕者接神則祭服也諸侯之卿大夫所服禫冕絺冕也元冕也士服爵弁服大祝禫冕

則大夫釋文說文云祝祭主贊詞者正義卿大夫士皆衣衰服北面文不言者以下文云大祝禫冕明卿大夫士等

不禫冕也必於西階南者以將告殯近殯位故也禫冕祭服也以其將告神故執束帛執持也束帛十端也端則二丈鬼神質故用偶數也鬼神以丈八尺為端一丈象陽八尺法陰十端六元四纁五兩三元二纁纁是地色元是天色也欲往告殯故升自西階若於堂下告則大遠堂上告則大近殯

祝聲三告曰某之子生

敢告升奠幣于殯東几上哭降

注聲噫歆警神也某夫人之氏也几筵於殯東明繼

體也正義按阮諶禮圖云几長五尺高尺二寸廣二尺熊氏以為天子諸侯在殯宮則有几筵大夫士大斂有席虞始有几然殯宮几筵為朝夕之奠常在不去今更特設几於殯東明繼體之貴故於常几筵之外別特設之江氏承曰按司几筵柏席用荏每敦一几鄭讀柏為梓謂殯之梓蓋是人君之禮殯東常有几筵此注似言為明繼體特設几筵者蓋此不與彼參照又或喪事仍几此告子生特改新之也既夕禮之下室即殯宮之室朝夕奠常設於此燕養饋羞亦於此孔氏乃謂素几是殯宮朝夕衆主人卿大夫之几不在下室豈下室又在殯宮之外乎

夫士房中皆哭不踊

注衆主人君之親也房中婦人

盡一哀反位遂朝奠

注反朝夕哭位正義按士喪禮尋常朝奠皆先哭後奠小今因西階前哭畢反此朝夕哭位不更哭即行朝奠禮

宰升舉幣

注所主也舉而下埋之階間

三日衆主人卿大夫士如初位

北面

注三日負子日也初告生時

大宰大宗大祝皆禫冕少師奉子以

衰視先子從宰宗人從入門哭者止

注宰宗人詔贊君事者正義大宰是教令

之官大宗是主宗廟之官初不禫冕今禫冕以奉子接神故服祭服少師主養子之官故以衰衣而奉之祝主接神故先進也少師奉子次從視也皇氏曰宰則大宰宗人子則大宗也大宰大宗爲詔告贊君事故次從在後也

升自西階殯前北面祝立於殯東南隅祝聲三日某之子

某從執事敢見子拜稽顙哭

注奉子者拜哭

祝宰宗人衆主人卿

大夫士哭踊三者三降東反位皆袒子踊房中亦踊三者

三襲衰杖

注踊襲衰杖成子禮也正義以初堂上堂下之哭非正位故不袒今反朝夕哭位故皆袒子踊

房中亦踊明視宰宗人衆主人及卿大夫士反位亦皆踊

也皇氏云子踊不袒江氏永曰按襲衰杖每字為句襲者

諸臣襲衰者為子著衰杖者少師代子執杖也前少師奉

子以衰實未服至此始服之象成服以漸也袒襲諸臣之

事注并襲為成子奠出

注亦謂朝奠正義知非特奠者在殯無特告奠之法故也

大宰

命祝史以名徧告于五祀山川

注因負子名之喪於禮略也正義內則及左傳皆三

月乃名之今三日即名之以喪事促遽不暇待三月也

○大音泰下皆同祝之六反禫婢支反從才用反下同

曾子問曰如已葬而世子生則如之何孔子曰大宰大宗

從大祝而告于禩

注告主也正義禩父殯宮之主也既葬訖殯無尸柩唯有主在故告于主漸神

事之故也 三月乃名于禴以名徧告及社稷宗廟山川 正義不言

此不云五祀相互明也。禴乃禮反

孔子曰諸侯適天子必告于祖奠于禴 注皆奠幣以告之

廟也 禴而視朝 注聽國事也 諸侯朝天子必禴 禴為將命

祝史告于社稷宗廟山川 注臨行又徧告宗廟孝敬之心

疑因上文以名徧告及社稷宗廟山川而衍下文諸侯相見命祝史告于五廟所過山川注但云山川所不過則不

告貶於適天子時所告亦無社稷可知正義釋注臨行又徧告宗廟二句舉經文無社稷二字是其明證 乃命

國家五官而后行 注五官五大夫典事者命者敕之以其

夫其數衆多直云五者據典國事者言之不云命卿者或從君出行或在國留守總主羣吏如三公不專主一事且

既命五大夫則卿亦命之可知王氏引之日五官謂司徒
司馬之屬卿大夫皆得為之春秋時魯季孫為司徒孟孫
為司空叔孫為司馬皆卿也言命五官則卿大夫咸受命
矣曲禮天子之五官曰司徒司馬司空司寇典司五

衆大戴禮千乘篇千乘之國列其五官四代
篇率禮朝廷昭有五官無廢事類並相近
道而出注祖

聘禮日出祖釋較祭酒脯也說文較出將有事於道必先
告其神立壇四通樹茅以依神為較既祭較轅於牲而行

為範較詩云取蕤以較正義按聘禮記云出祖釋較祭酒
脯注云祖始也行出國門止陳車騎釋酒脯之奠於較為

行始也道路以險阻為難是以委土為山或伏牲其上使
者為較祭酒脯祈告也禮畢然後乘車轅之而遂行其有

牲犬羊可也此城外之較祭也其五祀行神則在宮內崔
氏云宮內之較祭古之行神城外之較祭山川與道路之

神義或然也告者五日而徧過是非禮也注既告不敢久留凡告用牲

幣反亦如之注牲當為制字之誤也制幣一丈八尺正義
皇氏熊氏以此為諸侯不應用牲故熊氏云

鄭注周禮大祝職引此文云告用牲幣不破牲字是天子用牲幣也校人云王所過山川則飾黃駒是用牲也。牲幣依注

諸侯相見必告于禰

注道近或可不親告祖

朝服而出視朝

注朝服為事故

也正義熊氏云此朝服謂皮弁服以天子用以視朝故謂之朝服聘禮諸侯相聘皮弁服明相朝亦皮弁服

祝史告于五廟所過山川

注山川所不過則不告貶於適天子也

亦命國家

五官道而出反必親告于祖禰乃命祝史告至于前所告

者而后聽朝而入

注反必親告祖禰同出入禮正義庾蔚云諸侯相見出不云告祖者或道近變

其常禮耳故反必親告祖禰以明出入之告其禮不殊也

會子問曰並有喪如之何何先何後

注並謂父母若親同者同月死正義親同

者祖父母及世叔兄弟 孔子曰葬先輕而後重其奠也先重而後輕

禮也自啟及葬不奠 注不奠務於當葬者正義自從也從啟母殯之後及至葬柩欲出之前唯

改母啟殯朝廟之奠及祖奠遣奠不為父喪朝夕更新奠也 行葬不哀次 注不哀次輕於在殯者正

義次謂大門外之右平生待賓之處柩車出門至此孝子悲哀柩車暫停今為父喪在殯不得為母伸哀於所次之

處遂行 反葬奠而后辭於殯遂修葬事 注殯當為賓聲之誤也辭於賓謂告

而去 將葬啟期也正義按既夕禮主人其虞也先重而後輕禮

也 請啟期告于賓之後即陳葬事

孔子曰宗子雖七十無無主婦 注族人之婦不可無統 非宗子雖無

主婦可也 正義此謂無子孫及有子而年幼小者若有子孫則傳家事於子孫故曲禮七十老而傳是也

曾子問曰將冠子冠者至揖讓而入聞齊衰大功之喪如

之何注冠者賓及贊者孔子曰內喪則廢外喪則冠而不醴徹饌

而埽卽位而哭如冠者未至則廢注內喪同門也不醴不

因喪而冠正義加冠在廟廟在大門之內吉凶不可同處

故云內喪則廢熊氏以卽位而哭謂在冠家卽位以文承

徹饌而埽之下皇氏以爲卽喪家之位非也江氏永曰此

卽位而哭謂親在遠地者爲位而哭也若在近地自當如

皇氏說哭於其家○冠古亂反下同饌仕戀反埽悉報反

如將冠子而未及期日而有齊衰大功小功之喪則因喪

服而冠注廢吉禮而因喪冠俱成人之服及至也除喪不改冠乎孔子曰天子

賜諸侯大夫冕弁服於大廟歸設奠服賜服於斯乎有冠

醮無冠醴

注酒為醮冠禮醴重而醮輕此服賜服酌用酒尊賜也不醴明不為改冠改冠當醴之正義鄭

注士冠禮注云酌而無酬酢日醮醮所以異於醴者醴則

三加之後總一體之醮則每一加而行一醮凡三醮也皇

氏云謂諸侯及大夫幼弱未冠總角從事當冠之年因朝

天子而賜之服故歸還不改冠也王氏懋竝日凡三醮則

醴輕而醮反重且不改冠安得有三加也通解於庶子章

注一醮正也其用醴及三醮為適子加耳庶子則一醮以

酒足矣於此可證有冠醮無冠醴之說。醮子妙反

父沒而冠則已冠埽地而祭於禰

盧注本父當成之不能成故已冠而祭之若成

之已祭而見伯父叔父而后饗冠者

注饗謂禮之正義按士冠禮云若孤子則

父兄戒宿冠之日主人紒而迎賓拜揖讓立於序

端則冠身自迎賓皇氏云冠者諸父迎賓非禮也

曾子問日祭如之何則不行旅酬之事矣孔子日聞之小

祥者主人練祭而不旅奠酬於賓賓弗舉禮也

注奠無尸虞不致爵

小祥不旅酬大祥無無算爵彌吉正義按士虞禮賓三獻尸卒爵禮畢無致爵以下之事所謂虞不致爵也特性三獻之賓作尸所止爵尸飲卒爵酢賓賓飲卒爵獻祝及佐食致爵于主人主婦畢主人降阼階升酌西階上獻賓及眾賓訖主人洗饌于西階前北面酬賓訖主人洗爵于阼階上獻長兄弟及眾兄弟及內兄弟于房中獻畢賓乃坐取主人所酬之饌於阼階前酬長兄弟長兄弟受饌於西階前酬眾賓眾賓酬眾兄弟所謂旅酬也不旅酬謂奠酬於主人主人酬於賓賓不舉也旅酬之後賓弟子兄弟弟子各酌于其尊舉饌各於其長賓取饌酬兄弟之黨長兄弟取饌酬賓之黨所謂無算爵也大昔者魯昭公練而祥得行旅酬而不得行此無算爵之事

舉酬行旅非禮也孝公大祥奠酬弗舉亦非禮也

注孝公隱公之

祖父正義按世本孝公生惠公弗皇弗皇生隱公是隱公之祖父也

會子問曰大功之喪可以與於饋奠之事乎注饋奠在殯時也孔

子曰豈大功耳自斬衰以下皆可禮也會子曰不以輕服

而重相為乎注怪以重服而為人執事孔子曰非此之謂也注非謂為人謂於其

所為天子諸侯之喪斬衰者奠注為君服者皆斬衰唯主人不奠大夫齊

衰者奠注服斬衰者不奠辟正君也齊衰者其兄弟士則朋友奠不足則取於

大功以下者不足則反之注服齊衰者不奠辟大夫也言不足者謂殷奠時正義按士喪

禮主人不親奠以主人悲號思慕不暇執事故也大夫家

臣雖服斬衰不得饋奠辟天子諸侯之正君殷盛也月朔

之奠盛於常奠非月半之殷奠也以次差之天子斬衰者

奠大夫用齊衰士應先取大功今取朋友者以天子諸侯

皆使臣為奠大夫辟正君故遣兄弟奠士則位卑不嫌

敵君故遣僚屬奠僚屬則朋友也。與音預為于偽反

曾子問曰小功可以與於祭乎

注祭謂虞卒哭時

孔子曰何必小

功耳自斬衰以下與祭禮也會子曰不以輕喪而重祭乎

注怪使重

者執事 孔子曰天子諸侯之喪祭也不斬衰者不與祭

大夫齊衰者與祭士祭不足則取於兄弟大功以下者

正義

知非練祥者以士練祥之祭大功之服已除不得云取於兄弟大功以下者其天子諸侯則得兼練祥也以其練祥

時猶斬衰與祭也

曾子問曰相識有喪服可以與於祭乎

注問已有喪服可以助所識者祭否

孔子曰總不祭又何助於人

正義言身有總服向不得自祭已家宗廟何得助於他人

祭乎熊氏云謂身有總服則不得自為父母虞耐卒哭祭此謂同宮總若大夫士有齊衰大功小功總麻同宮則亦

不祭若異宮則殯後得祭故雜記云父母之喪將祭而兄弟死既殯而祭若同宮則雖臣妾葬而後祭虞祔亦然天子諸侯臣妾死於宮中雖無服亦不得為父母虞祔卒哭祭也天子諸侯適子死斬衰既練乃祭為適孫適婦則既殯乃祭以異宮故也

曾子問曰廢喪服可以與於饋奠之事乎 注謂新除喪服也正義廢猶除

之孔子曰說衰與奠非禮也 注執事於人之神也 以擯相可

也 ○說湯活反相息亮反

曾子問曰昏禮既納幣有吉日女之父母死則如之何 注

日取女之吉日 孔子曰婿使人弔如婿之父母死則女之家亦使

人弔 注必使人弔者未成兄弟 父喪稱父母喪稱母 注禮宜各以其敬者也父使人弔之

辭云某子聞某之喪某子使其如何不淑母則若云宋
蕩伯姬聞姜氏之喪伯姬使其如何不淑凡弔辭一耳父
母不在則稱伯父世母注弔禮不可廢也伯父壻已葬壻

之伯父致命女氏曰某之子有父母之喪不得嗣為兄弟

使某致命女氏許諾而弗敢嫁禮也

注必致命者不敢以累年之喪使人失嘉

會之時壻免喪女之父母使人請壻弗取而后嫁之禮也

注請

請成昏 女之父母死壻亦如之

注女免喪壻之父母亦使人請其已葬時亦致命

曾子問曰親迎女在塗而壻之父母死如之何孔子曰女

改服布深衣縞總以趨喪

注布深衣縞總婦人始喪未成服之服正義深衣謂衣裳相連

前後深遂故曰深衣縞白絹也總束髮也長八寸

女在塗而女之父母死則女反

注奔喪 如壻親迎女未至而有齊衰大功之喪則如之何 服期

孔子曰男不入改服於外次女入改服於內次然後即位

而哭 注不聞喪即改服者昏禮重於齊衰以下正義此謂 在塗聞齊衰大功廢昏禮若婦已揖讓入門內喪則

廢外喪則 會子問曰除喪則不復昏禮乎 注復猶 孔子曰 行昏禮 償也

祭過時不祭禮也又何反於初 注重喻輕也同牢及饋饗 相飲食之道正義過時不

祭謂四時常祭也熊氏云若喪祭及禘祫祭雖過時猶追 而祭之故禘祫志云昭十一年齊歸薨十三年會于平邱

冬公如晉不得祫至十四年乃追而祫之十五年乃禘 也。迎魚敬反下同縞古老反期居宜反過古臥反

孔子曰嫁女之家三夜不息燭思相離也 注親骨 取婦之 肉也

家三日不舉樂思嗣親也 注重世變也正義思念己之嗣 續其親則是親之代謝所以悲

之改變也 三月而廟見稱來婦也擇日而祭於禰成婦

之義也

注謂舅姑沒者也必祭成婦義者婦有供養之禮猶舅姑存時盥饋特豚於室正義若舅姑既沒至

三月乃奠菜於舅姑之廟故昏禮云舅姑既沒則婦入三月乃奠菜是也若舅姑偏有沒者崔氏云厥明婦盥饋於其存者三月廟見於其亡者江氏永日疏謂必待三月一時天氣改乃可以事神亦不然古人之意蓋欲遲之一時觀其婦之性行和於夫宜於室人克成婦道然後可廟見而祭禘大夫則有反馬之禮前此猶留其送馬有出道焉未廟見而死則有殺禮歸葬如下章之云豈止俟天時改哉

曾子問曰女未廟見而死則如之何孔子曰不遷於祖不

耐於皇姑壻不杖不菲不次歸葬于女氏之黨示未成婦

也

注遷朝廟也壻雖不備喪禮猶為之服齊衰也釋文不菲草履正義以其未廟見不得舅姑之命示若未成婦其

女之父母則為之降服大功以壻為之服齊衰期非無主也王氏引之曰此皇姑與士昏禮之皇姑異士昏禮之皇姑謂既沒之姑此皇姑則謂祖姑也喪服小記曰婦耐於祖姑又曰耐必以其昭穆士虞禮記婦曰孫耐于皇祖姑某氏是也此未成為婦不得用婦耐於祖姑之禮婦與姑昭穆不同故必耐於祖姑而後昭穆相當也○菲一本作屏扶畏反

會子問曰取女有吉日而女死如之何孔子曰壻齊衰而

弔既葬而除之夫死亦如之

注未有期三年之恩也女服斬衰方性夫曰以其嘗請期

故齊衰而弔然未成婦也故既葬而除之

會子問曰喪有二孤廟有二主禮與

注怪時有之

孔子曰天無

二日土無二王嘗禘郊社尊無二上未知其為禮也

注尊喻卑

也神雖多猶

一一祭之

昔者齊桓公亟舉兵作偽主以行及反藏諸

祖廟廟有二主自桓公始也

注偽猶假也舉兵以遷廟主行無則主命為假主非也

喪之二孤則昔者衛靈公適魯遭季桓子之喪衛君請弔

哀公辭不得命公為主客入弔康子立於門右北面公揖

讓升自東階西鄉客升自西階弔公拜興哭康子拜稽顙

於位有司弗辯也今之二孤自季康子之過也

注辯猶正也若康子

者君弔其臣之禮也隣國之君弔君為之主主人拜稽顙非也當哭踊而已靈公先桓子以魯哀公二年夏卒桓子以三年秋卒是出公也正義賓主尊卑宜敵故君為主主則拜賓康子又拜非也趙氏良壽曰按喪大記君弔其臣斂則撫其尸既殯則稱言而誦君不拜也今季桓子喪客升自西階弔言弔不言拜衛君無失也又大夫君弔其臣

若有四鄰賓客其君後主人而拜是喪以尊者拜賓衛君
弔而公拜興哭公亦無失也獨康子拜稽顙為非禮耳故
曰康子之過也○與音
餘下同亟徐起吏反

曾子問曰古者師行必以遷廟主行乎

白虎通曰必以遷
主者明廟不可空

也孔子曰天子巡守以遷廟主行載於齊車言必有尊也

今也取七廟之主以行則失之矣

注齊車金路正義凡祭
祀皆乘玉路齊車則降

一等乘金路也遷廟主皇氏曰
謂載新遷廟之主義或然也

當七廟五廟無虛主虛主

者唯天子崩諸侯薨與去其國與祫祭於祖為無主耳吾

聞諸老聃曰天子崩國君薨則祝取羣廟之主而藏諸祖

廟禮也卒哭成事而後主各反其廟

注老聃古壽考者之
號也與孔子同時藏

請主於祖廟象有凶事者聚也卒哭成事先時之祭名也
正義按史記云老聃陳國苦縣鄉曲仁里人也為周柱
下史或為守藏史鄭注
論語云老聃周之大史君去其國大宰取羣廟之主以從

禮也注鬼神依人者也 祫祭於祖則祝迎四廟之主主出廟入廟

必蹕老聃云注祝接神者也蹕止行者正義祫祭於祖是祝所掌之事故祝迎四廟之主若去國非祭

祀之事故大宰取羣廟之主以從祫祭於祖則迎四廟之

主祝主接神故迎之也祫合祭祖大祖三年一祫當祫之

年則祝迎高會祖禴四廟而於大祖廟祭之天子祫祭則

迎六廟之主今言迎四廟者舉諸侯言也主天子一尺二

寸諸侯一尺出廟者謂出己廟而往大祖廟入廟謂從大

祖廟而反還入己廟當主出入之時必須蹕止行人若王

入大祖廟中則不須蹕似壓於尊者也若有喪及去國
無蹕禮也○齊側皆反祫音洽聃他甘反從才用反

會子問曰古者師行無遷主則何主孔子曰主命問曰何

謂也孔子曰天子諸侯將出必以幣帛皮圭告于祖禰遂

奉以出載於齊車以行每舍奠焉而後就舍注以脯醢禮神乃敢即安

也所告而不以出即埋之正義以在路不可恒設牲牢故知以脯醢也反必告設奠卒斂幣

玉藏諸兩階之間乃出蓋貴命也正義皇氏云謂有遷主者直以幣帛告神而不

將幣帛以出行即埋之兩階之間無遷主者加之皮圭告於祖禰遂奉以出熊氏以為每告一廟以一幣玉告畢

若將所告遠祖幣玉行者即載之而去若近祖幣玉不以出者即埋之反還之時以此載行幣玉告於遠祖事畢埋

於遠祖兩階間其近祖以下直告祭而已不陳幣玉也

子游問曰喪慈母如母禮與注如母謂父卒三年也子游意以為國君亦當然禮所云

者乃大夫以下父孔子曰非禮也古者男子外有傳內有

所使妾養妾子

慈母君命所使教子也何服之有

注言無服也此指謂國君之子也大夫士之子

為庶母慈已者服小功父卒乃不服

昔者魯昭公少喪其母有慈母良及其

死也公弗忍也欲喪之有司以聞曰古之禮慈母無服

注據

國君也良善也謂之慈母固為其善國君之妾子於禮不服也昭公年三十乃喪齊歸猶無戚容是不少又安能不忍於慈母此非昭公明矣未知何公也今也君為之服是逆古之禮而亂國

法也若終行之則有司將書之以遺後世無乃不可乎公

曰古者天子練冠以燕居公弗忍也遂練冠以喪慈母喪

慈母自魯昭公始也

注公之言又非也天子練冠以燕居蓋謂庶子王為其母○喪息浪反下

同

曾子問曰諸侯旅見天子入門不得終禮廢者幾注旅衆孔

子曰四請問之曰大廟火日食后之喪雨霑服失容則廢

注大廟始祖廟宗廟皆然主於始祖耳如諸侯皆在而日食則從天子救日

各以其方色與其兵注示奉時事有所討也方色者東方

兵未聞也正義隱義云東方用戟南方用矛西方用弩北

方用楯中央用鼓穀梁云天子救日置五麾陳五兵五鼓

諸侯置三麾陳三鼓三兵大夫擊門士擊柝言充其陽也

江氏永曰古術疎無豫推日食之法故有猝遇日食不得

終禮之事後言喪引至於楯日有食之安知其不見屋亦

是不能豫知其食分也段氏玉裁曰古外朝治朝燕朝皆

不屋故雨霑大廟火則從天子救火不以方色與兵

反服失容則廢竹廉

曾子問曰諸侯相見揖讓入門不得終禮廢者幾孔子曰

六請問之曰天子崩大廟火日食后夫人之喪兩霑服失

容則廢注夫人君之夫人

曾子問曰天子嘗禘郊社五祀之祭簠簋既陳天子崩后

之喪如之何孔子曰廢注既陳謂夙興陳饌牲器時也天子七祀言五者關中言之江氏永

曰鄭注周禮以勾芒等五人神為五祀此注五祀以為關中言之皆非也天子而下皆以戶竈中霑門行為五祀。

簠音甫
簋音軌

曾子問曰當祭而日食大廟火其祭也如之何孔子曰接

祭而已矣如牲至未殺則廢注接祭而已不迎尸也正義接捷也捷速也速而祭之凡

迎尸有二一是祭初迎尸於奧而行灌禮灌畢而出迎牲於時延尸於戶外殺牲薦血毛行朝踐之禮一也然後退而合亨更迎尸入坐於奧行饋孰之禮二也此云不迎尸者直於堂上行朝踐禮畢則止不更迎尸而入此謂宗廟之祭郊社之祭無文不迎尸亦謂此時也

天子崩未殯五祀之祭不行既殯而祭其祭也尸入三飯

不侑酌不酢而已矣正義以初崩哀感未遑祭祀但五祀外神不可以己私喪久廢其祭故既

殯哀情稍殺而後祭也但喪既殯不得純如吉禮理須降殺熊氏云迎尸入奧之後尸三飯即止祝不勸侑至十五飯於時冢宰攝主酌酒酌

尸尸受卒爵不酢攝主自啟至于反哭五祀之祭不行

已葬而祭祀畢獻而已注既葬彌吉畢獻祝而後止郊社亦然唯嘗禘宗廟俟吉也正義既

葬彌吉尸入三飯之後祝乃侑尸尸食十五飯攝主酌尸飲卒爵而酢攝主攝主飲畢酌而獻祝祝受飲畢則止

無獻佐食以下之事皇氏云已止也趙商問云自啟至反
哭五祀之祭不行注云郊社亦然既云葬時郊社之祭不
行何得有越縵而行事鄭荅越縵行事喪無事時天地郊
社有常日自啟及至反哭自當辟之郊社尊故辟其日不
使相妨五祀卑若與啟反哭日相達則五
祀辟其日也。侑音又醕音盾酢才各反

曾子問曰諸侯之祭社稷俎豆既陳聞天子崩后之喪君

薨夫人之喪如之何孔子曰廢注亦謂夙與陳饌牲器時也自薨比至

于殯自啟至于反哭奉帥天子注帥循也所奉循如天子者謂五祀之祭也社稷亦

然

曾子問曰大夫之祭鼎俎既陳籩豆既設不得成禮廢者

幾孔子曰九請問之曰天子崩后之喪君薨夫人之喪君

之大廟火日食三年之喪齊衰大功皆廢外喪自齊衰以

下行也

注齊衰異門則祭

其齊衰之祭也尸入三飯不侑醕不酢

而已矣大功酢而已矣小功總室中之事而已矣

注室中之事謂

賓長獻正義若平常之祭尸得賓長獻爵則止不舉待致爵之後尸乃舉爵今既喪殺賓長獻尸尸飲以酢賓賓又獻祝及佐食而祭畢止若致爵之時主婦在房中南面主人獻賓堂上北面皆不在室中其室中者獻尸祝佐食耳故云室中之事謂賓長獻按雜記云臣妾死於宮中三月而後祭之此內喪總麻不廢祭者此謂鼎俎既陳臨祭之時故不廢也士之所以異者總不祭注然則士不得成禮者十一所祭於死

者無服則祭

注謂若舅舅之子從母昆弟賀循祭議禮在喪者不祭祭吉事故也其義不但施於生人

亦祖禰之情同其哀戚故云於死者無服則祭也

曾子問曰三年之喪弔乎孔子曰三年之喪練不羣立不

旅行注為其苟君子禮以飾情三年之喪而弔哭不亦虛

乎注為彼哀則不專於親也為親哀則是妄弔止義凡行

吉凶之禮必使外內相副用外之物以飾內情故冠冕

文彩以飾至敬之情慶衰以飾哀痛之情所以三年

年問云衰服為至痛飾也故云君子禮以飾情也

曾子問曰大夫士有私喪可以除之矣而有君服焉其除

之也如之何孔子曰有君喪服於身不敢私服又何除焉

注重喻輕也私喪家之喪也喪於是乎有過時而弗除也

服四制曰門外之治義斷恩君之喪服除而后殷祭禮也注謂主人也支子則否正義

盧氏云殷祭盛也君服除乃行釋私服之禮庠蔚云今月除君服明月可小祥又明月

可大祥猶若久喪不葬者也若未有君服之前私服已小

祥者除君服後
但大祥而可

曾子問曰父母之喪弗除可乎

注以其有終身之憂

孔子曰先王制禮過時弗舉禮也非弗能勿除也患其過

於制也故君子過時不祭禮也

注言制禮以為民中過其時則不成禮正義如適于

仕者除君服後猶得行殷祭其四時之祭過時不追者假令春夏祭木為感春夏而祭至秋非時故不追也

曾子問曰君薨既殯而臣有父母之喪則如之何孔子曰

歸居於家有殷事則之君所朝夕否

注居家者因其哀後隆於父母殷事朔月

月半薦新之奠也

曰君既啟而臣有父母之喪則如之何孔子曰

歸哭而反送君

注言送君則既葬而歸也歸哭者服君服而歸不敢私服也正義以此言之父母之

喪既啟而有君之喪則亦在哭於君所而反送父母父母

曰

君未殯而臣有父母之喪則如之何孔子曰歸殯反于君

所有殷事則歸朝夕否

注其哀雜主於君正義廬氏云歸殯反於君所者人君五日而殯故

可以歸殯父母而往殯君也若其臨君殯之日廬云歸哭父母而來殯君殯君訖乃還殯父母也

大夫室

老行事士則子孫行事

注大夫士其在君所之時則攝其事正義以大夫士有殷事在君所

之時則朝夕之奠有關若朝夕恒在君所則朝夕之奠亦闕故室老子孫攝行其事

大夫內子有殷

事亦之君所朝夕否

注謂夫之君既殯而有舅姑之喪者內子大夫適妻也妻為夫之君如婦

為舅姑服齊衰

賤不誄貴幼不誄長禮也

注誄累也累別生時行迹讀之以作誄論當由尊者成

唯

天子稱天以誄之

注以其無尊焉春秋公羊說以為讀誄制證於南郊若云受之於天然五經通

義云大臣吉服之南郊告

天遠素服稱天而諡之

請侯相諫非禮也

注禮當言諫於天子也天

子乃使大史賜之諡正義按白虎通云君薨請諡世子

赴告於天子天子唯遣大夫會葬而諡之○諫力木反

曾子問曰君出疆以三年之戒以禭從君薨其入如之何

注其出有喪備疑喪入必異也戒猶備也

孔子曰共殯服

謂衣食也親身棺曰禭其餘可死乃具也

注此謂君已大斂殯服謂布深衣直經散帶垂殯時

主人所服共之以待其來也其餘殯事亦皆具焉 則子

麻弁經疏衰菲杖

注棺柩未安不忍成服於外也麻弁經者布弁而加環經也布弁如爵弁而用

布杖者

入自闕升自西階

注闕謂毀宗也柩毀宗而入異於生也升自西階亦異生也所

為已病毀宗殯宮門西也於此正棺而服殯服既塗

而成服殷柩出毀宗周柩入毀宗禮相變也 如小斂則子

免而從柩

注謂君已小斂也主人布深衣不括髮者行遠不可無飾

入自門升自阼階

注親未在前不忍
君大夫士一節也
○疆居良反梓薄歷
反共音恭殯必忍反

弁皮彥反

免音問

會子問曰君之喪既引聞父母之喪如之何孔子曰遂既

封而歸不俟子

注遂遂送君也封當為窆子嗣君也

會子問曰父母之喪既

引及塗聞君薨如之何孔子曰遂既封改服而往

注封亦當為窆

改服括髮徒跣布深衣扱上衽不以私喪包至尊。封依注音窆彼驗反

會子問曰宗子為士庶子為大夫其祭也如之何孔子曰

以上牲祭於宗子之家

注貴祿重宗也上牲大夫少牢

祝曰孝子某為介

子某薦其常事

注介副也不言庶使若可以祭然正義宗子為士得有祖廟二廟庶子為大夫得祭

會祖廟已是庶子不合自立會祖之廟崔氏云當寄會祖廟於宗子之家亦得以上牲宗子為祭也若已是宗子從父庶子兄弟父之適子則於其家自立禰廟祖及會祖亦於宗子之家寄立之亦以上牲宗子為祭若已是宗子從祖庶兄弟父祖之適則立祖禰廟於己家亦寄立會祖廟於宗子之家亦供上牲宗子為祭。為干偽反

若宗子有罪居於他國庶子為大夫其祭也祝曰孝子某

使介子某執其常事

注此之謂宗子攝大夫

攝主不厭祭不旅不假

不綏祭不配

注皆辟正主厭厭饑神也厭有陰有陽迎尸之前祝酌奠奠之且饗是陰厭也尸謏之後

徹薦俎敦設於西北隅是陽厭也此不厭者不陽厭也不旅不旅酬也假讀為嘏不嘏不嘏主人也不綏祭謂今主人也綏周禮作墜不配者祝辭不言以某妃配某氏正義少牢云尸入即席坐祝命尸接尸取菹揆于醢祭于豆間及祭黍稷肺等是謂尸綏祭也尸十一飯訖主人酌尸酢主人上佐食取黍稷肺授主人所謂綏祭也主人左執

得祝與二佐食取黍以授尸尸執以命祝祝受以東北而
馘于主人曰皇尸命工祝承致多福無疆于女孝孫所謂
馘也方氏苞曰注但言薦歲事於皇祖伯某不言以某妃
配非也五者皆攝主自損抑之義非所以施於神也按公
羊傳大夫聞君之喪攝主而往此記攝主正如公羊傳所
云蓋誓攝也惟誓攝則使主婦與之同薦徹不可也主婦
在而使攝主之妻代主婦不可也故使有司
代之而不必夫婦以供祀事所謂不配也 布奠於賓賓

奠而不舉 注布奠謂主人酬賓奠解於薦北賓奠謂取 不

歸內 注內俎也謂與祭者留之共燕 其辭于賓曰宗兄宗弟宗子在他國

使某辭 注辭猶告也宿賓之辭與宗子為列則曰宗兄若

他國使某執其常事使某告曰宗子而已其辭若曰宗兄某在
庶出而長也宗子乃其本稱以其傳重言之則曰宗子以

其行輩言之則曰宗兄宗弟蓋兼言之。厭本或作
歷於豷反綏注作暨同許垂反歸徐其位反與音預

曾子問曰宗子去在他國庶子無爵而居者可以祭乎孔

子曰祭哉

注有子孫存不可

請問其祭如之何孔子曰望

墓而為壇以時祭

注不祭於廟無爵者賤遠辟正主正義此宗子去他國謂有罪者若其無罪則

以廟從本國不得有廟故喪服小記注云宗子去國乃以廟從謂無罪也

若宗子死告於墓而

后祭於家

注言祭於家容無廟也江氏永曰家者對墓言之祭於家即是祭於廟非謂無廟也蓋宗子無

罪去他國宜以廟從宗子死自有子祭之惟其有罪居他國廟猶在本國宗子雖有子不能歸而祭故庶子代祭若

無廟則是庶人庶人以時薦於寢無牲無尸不成其為祭夫子亦不必言之矣

宗子死稱名不言

孝

注孝宗子之稱不敢與之同其辭但言子某薦其常事

身沒而已

注至子可以稱孝正義庶子身

死其子則是庶子適子祭庶子之時可以稱孝江氏永曰此論正統之祭未論祭庶子庶子無爵薦而不祭亦不必

言或是在孫祭祖得稱孝孫與抑或庶子攝祭止於子游之
其身庶子之子為庶人則當鬼其祖不復更祭與
徒有庶子祭者以此若義也注以用也用此禮祭也若順
王氏念孫云五字當作一句
讀此若義猶言此義下文不首其義正謂子游之徒用此
義而今之祭者不用此也此若二字連讀若亦此也古人
自有複語耳今之祭者不首其義故誣於祭也注首本也誣猶
妄也○壇大丹
反

曾子問曰祭必有尸乎

注言無益無用為

若厭祭亦可乎

注厭時無尸

孔子曰祭成喪者必有尸尸必以孫孫幼則使人抱之無

孫則取於同姓可也

注人以有子孫為成人子不殤父義由此也

祭殤必厭蓋

弗成也

注厭飯而已不成其為人

祭成喪而無尸是殤之也

注與不成人同孔

子曰有陰厭有陽厭注言祭殤之禮有於陰厭之者有於陽厭之者曾子問曰殤

不耐祭何謂陰厭陽厭注耐當為備聲之誤也言殤乃不成人祭之不備禮而云陰厭陽厭

乎此失孔子指也祭成人始設奠於與迎尸之前謂之陰厭尸諷之後改饌於西北隅謂之陽厭殤則不備江氏永

日耐當讀如字曾子之意謂祭祖禰有陰厭陽厭當特祭不耐於祖禰之旁一厭祭而已何為有陰厭陽厭乎

孔子曰宗子為殤而死庶子弗為後也注族人以其倫代之明不序昭穆立

之廟其祭之就其祖而已代之者主其禮盧注殤無為人父之道宗族無子但主其喪不為後也正義凡宗子為殤

而死庶子既不為後不以父服服之鄭注喪服云若與宗子同親者其長殤大功衰九月中殤大功衰七月下殤小

功衰五月有大功之親者成人服之齊衰三月卒哭受以

大功衰九月其長殤中殤大功衰五月下殤小功衰三月有小功之親者成人服之齊衰三月卒哭受以小功衰五月其殤與絕屬者同有總麻之親者成人及殤皆與絕屬

者同故喪服記曰宗子孤為殤而死者大功衰小功衰皆三月據與宗子小功以下及無服者長中殤則大功下殤則小功凡殤死者宗子主其祭視今宗子殤死明代為宗子者主其禮也此宗子是大宗但是宗子兄弟行無限親疏皆得

其吉祭特性

注尊宗子從成人也凡殤則特豚自卒哭成事之後為吉祭正義熊氏云

代之 殤與無後者唯耐祭殤不舉肺無所俎無元酒不告利成與除服二祭則止

注此其無尸及所降也其他如成人是謂陰厭注是宗子舉肺脊所俎利成禮之施於尸者

於輿之禮小宗為凡殤與無後者祭於宗子之家當室之殤其祭禮亦如之

白尊于東房是謂陽厭

注凡殤謂庶子之適也或昆弟之子或從父昆弟無後者如有昆弟

及諸父此則今死者皆宗子大功之內親共祖禰者言祭於宗子之家者為有異居之道也無廟者為禫祭之親者共其牲物宗子皆主其禮當室之白尊於東房異於宗子之為殤當室之白謂西北隅得戶明者也明者曰陽凡祖

廟在小宗之家小宗祭之亦然宗子之適亦爲凡禘過此
以往則不祭也祭適者天子下祭五諸侯下祭三大夫下
祭二士以下祭子而止正義凡禘有二一昆弟之子祭之
當於宗子父廟二是從父昆弟祭之當於宗子祖廟其無
父無後祭之當於宗子曾祖之廟凡禘得祭者以其身是
適故也無後者成人無後則祭若在殤而死則不祭以其
身是庶故也特性饋食禮鄭注引少牢饋食禮曰南面而
饋之設此所謂當室之白謂西北隅得戶之明者也凡言厭
矣賈疏鄭注當室之白謂西北隅得戶之明者也凡言厭
者謂無尸直厭飫神故
○耐依注音備斯音其

曾子問曰葬引至於垣日有食之則有變乎且不乎

注垣道也

變謂異禮正義曾子以日食則有變常禮而停住乎且不
變常禮而遂行乎王氏念孫曰葬引至于垣本作葬既引
至于垣上文云君之喪既引又云父母之喪既引同一例
若無既字則文義不完土喪禮記注引此正作葬既引至

地下孔子曰昔者吾從老聃助葬於巷黨及塋日有食之老

聃曰邱止柩就道右止哭以聽變既明反而后行曰禮也

注巷黨黨名也就道右者行相左也變日食也反復也反葬而邱問之曰夫柩不可

以反者也日有食之不知其已之遲數則豈如行哉注已止也

數讀為速老聃曰諸侯朝天子見日而行逮日而舍奠大夫使

見日而行逮日而舍注舍奠每將夫柩不蚤出不奠宿注侵

晨夜則近姦寇見星而行者唯罪人與奔父母之喪者乎日有食

之安知其不見星也注為無日而且君子行禮不以人之

親病患吾聞諸老聃云注病病也以人之父母行禮而恐懼其有患害不為也王氏引之曰

店讀爲防防臨也近也漢書文帝紀或防於死亡服虔曰防音反坊之坊孟康曰防音屋檐之檐如淳曰近邊欲墮之意文選思元賦防焦原而跟趾李善引薛瓚漢書注曰臨危曰防防與店通然則店患者臨於患害也鄭訓店爲病於義未確○垣占鄧反從才用反店始占反

曾子問曰爲君使而卒於舍禮曰公館復私館不復凡所

使之國有司所授舍則公館已何謂私館不復也注復始死招魂

孔子曰善乎問之也注善其問難明也自卿大夫士之家曰私館

公館與公所爲曰公館公館復此之謂也注公館若今縣官宮也公所爲

君所命使舍已者正義公館謂公家所造之館與及也謂公之所使爲命停舍之處亦謂之公館張逸答鮑遺曰聘禮卿館於大夫大夫館於士公命人使館客亦公所爲也○爲于僞反

曾子問曰下殤土周葬於園遂與機而往塗邇故也

注土周聖

周也周人以夏后氏之塋周葬下殤於園中以其去成人

遠不就墓也機輿尸之牀也以繩緹其中央又以繩從兩

旁鈎之禮以機舉尸輿之以就園而斂葬焉塗近故耳與

機或為餘機正義諸侯長中殤適者車三乘下殤車一乘

諸侯庶長殤中殤車一乘大夫之適長殤中殤遣車一乘

然則王之適庶長中下殤皆有遣車並不與機士及庶人

皆無遣車則中下殤並皆與機今墓遠則其葬也如之何

故熊氏云若無遣車中從下殤注今人斂下殤於宮中而葬於墓與成人同墓

塗乃遠其葬當與其棺乎載之也問禮之變也孔子曰吾

聞諸老聃曰昔者史佚有子而死下殤也墓遠

注蓋欲葬墓如長殤

從成人也長殤有送葬車者則棺載之召公謂之曰何以

矣史佚成王時賢史也賢猶有所不知

不棺斂於宮中注欲其斂於宮中如成人史佚曰吾敢乎

也斂於宮中則葬當載之

哉注畏知禮也 召公言於周公注為史 周公曰豈不可注言是豈於禮

不可不許也釋文豈絕句 史佚行之注失指以為許也 遂用召公之言 下殤用棺衣棺

自史佚始也注棺謂斂於棺。佚音逸

曾子問曰卿大夫將為尸於公受宿矣而有齊衰內喪則

如之何孔子曰出舍於公館以待事禮也注吉凶不可以同處正義且舍

公館以待事畢然後歸哭也

孔子曰尸弁冕而出注為君尸或弁者先祖或有為大夫士者正義按士虞禮云尸服卒者之

上服以君之先祖有為士者當著爵弁以助君祭大夫者冕此云大夫因士連言耳按特牲尸服元端少牢又云尸服朝服不服爵弁及冕者大夫士卑屈於人君故尸服父祖白祭之上服人君禮伸故尸服助祭之上服也 卿

大夫士皆下之

注見而下車

尸必式

注小俛禮之

必有前驅

注為辟道

子夏問曰三年之喪卒哭金革之事無辟也者禮與初有

司與

注疑有司初使之然

孔子曰夏后氏三年之喪既殯而致事殷

人既葬而致事周人卒哭而致事

注致事還其職位於君

記曰君子

不奪人之親亦不可奪親也此之謂乎

注二者恕也孝也正義人臣有親之

喪君許其致事是不奪人喪親之心此謂恕也臣子夏曰

遭親之喪須致事是不奪情以從利祿此謂孝也

金革之事無辟也者非與

注疑禮當有然

孔子曰吾聞諸老聃曰

昔者魯公伯禽有為為之也

注伯禽周公子封於魯有徐戎作難喪卒哭而征之急王

事也征之作費誓

今以三年之喪從其利者吾弗知也

注時多攻取之兵言

非禮也。
辟音避。

禮記訓纂卷七終

禮記訓纂卷八

寶應朱彬輯

文王世子弟八

正義鄭目錄云名曰文王世子者以其記文王為世子時之法此於別錄屬世

子法釋文文王

周文王目也

文王之為世子朝於王季日三雞初鳴而衣服至於寢門

外問內豎之御者曰今日安否何如

注三皆曰朝以其禮同內豎小臣之屬掌

外內之通命者御如今小史直日矣

內豎曰安文王乃喜

注孝子恒兢兢

及日中又

至亦如之及莫又至亦如之其有不安節則內豎以告文

王文王色憂行不能正履

注又復也莫夕也節謂居處故事履蹈地也

王季復

膳注飲食安也然後亦復初注憂解正義內則云命士以上味爽而朝日入而夕凡常朝父母每

日唯二今文王增一時又三皆稱朝並是聖人之法也。朝直遙反衣徐於既反又如字

食上必在視寒暖之節食下問所膳命膳宰曰未有原應

曰諾然後退注在察也問所食者末猶勿也原再也勿有所再進為其失飪臭味惡也退反其寢釋文

飪生孰之節正義退反武王帥而行之不敢有加焉注庶幾程

其寢謂文王私寢也式之帥循也劉氏台拱曰為人子止於孝止善之謂也不可以有加過猶不及也文王有疾武王

不說冠帶而養注言常在側文王一飯亦一飯文王再飯亦再

飯注欲知氣力箴藥所勝旬有二日乃閒注閒猶瘳也釋文瘳差也○上時掌反說他活反

文王謂武王曰女何夢矣注閒後容臥武王對曰夢帝與我九

齡文王曰女以爲何也武王曰西方有九國焉君王其終

撫諸文王曰非也古者謂年齡齒亦齡也我百爾九十吾

與爾三焉文王九十七乃終武王九十三而終注帝天也撫猶存也

年天氣也齒人壽之數也君子曰終終其成功陳可大日數之修短稟於有生之初文王雖愛其子豈能滅己之年

而益之哉

成王幼不能泣阼周公相踐阼而治抗世子法於伯禽欲

令成王之知父子君臣長幼之道也注泣視也不能視阼階行人君之事踐履

也代成王履阼階攝王位治天下也抗猶舉也謂舉以世子之法使與成王居而學之成王有過則

撻伯禽所以示成王世子之道也注以成王之過擊伯禽則足以感喻焉文

王之爲世子也

注題上事江氏永曰當成王時周公爲太傅召公爲太保太公爲太師其左右前後

必多疑丞輔弼之人非專恃伯禽以善成王而使伯禽時與之居處舉世子法以教伯禽即所以教成王成王有過故撻伯禽以威悟之蓋教過用威之道不能行之於君臣者可行之父子此周公格君委曲之苦心故孔子謂之于其身以善其君。泚音吏相息亮反抗苦浪反撻他達反

凡學世子

崔氏云凡諸侯之子入學之法亦以十年而出就外傅學書計入學之時祭先聖先師釋奠之

法如王

及學士必時

注四時各有所宜學士謂司徒論俊選所升於學者釋文學教也下小樂

正學干籥師學

春夏學干戈秋冬學羽籥皆於東序

注干盾也

戈學舞干戚同
戈句子戠也干戈萬舞象武也用動作之時學之羽籥籥舞象文也用安靜之時學之詩云左手執籥右手秉翟正義若大武則以干配戚明堂位云朱干玉戚冕而舞大武若小舞則以干配戈則周禮樂師教小舞干舞是也羽翟

羽也箛笛也箛聲出於中冬則萬物藏於中廬植以爲春
教干夏教戈秋教羽冬教箛但干戈羽箛舞時相對之物
皇氏云鄭引詩左手執箛右手秉翟則秋冬羽箛同教
春夏亦同教干戈義或然也○學戶孝反箛羊灼反

小樂正學干大胥贊之箛師學戈箛師丞贊之

注四人皆樂官之屬

也通職秋冬亦學以羽箛小樂正樂師也周禮樂師掌國
學之政教國子小舞大胥掌學士之版以待致諸子春入
學舍茶合舞秋頌學合聲胥鼓南注南南夷之樂也胥掌
箛師掌教國子舞羽吹箛以六樂之會正舞位陳
用之曰南所謂象箛南箛夷樂固鞀鞀氏所掌非大胥小
胥之職也吳幼清曰詩云以雅以南謂詩之二雅二南也
胥鼓亦謂大胥以鼓春誦夏弦大師詔之瞽宗秋學禮執
而節二南之樂歌爾

禮者詔之冬讀書典書者詔之

釋詁詔道也

禮在瞽宗書在上

庠

注誦謂歌樂也弦謂以絲播詩陽用事則學之以聲陰
用事則學之以事因時順氣於功易成也周立三代之

學學書於有虞氏之學典謨之教所興也學舞於夏后氏之學文武中也學禮樂於殷之學功成治定與己同也○

大音泰

下皆同

凡祭與養老乞言合語之禮皆小樂正詔之於東序注學以三

者之威儀也養老乞言養老人之賢者因從乞善言可行者也合語謂鄉射鄉飲酒大射燕射之屬也鄉射記曰古者於旅也語江氏永曰此皆言學中之事祭謂釋奠釋菜也乞言合語皆養老時之禮也其禮行於登歌清廟之後下管象舞大武之前下經云既歌而語以成之也言父子君臣長幼之道合德音之致禮之大者也分言之君求言於老人為乞言三老五更與君言父子君臣長幼之道為合語合言之乞言合語皆謂之語內則謂三王皆有惇史惇史所以記此言語也乞言合語皆有威儀小樂正詔之其言語有篇章辭說大樂正授數大司成論說之經文前後甚明注疏乃以飲射旅酬之語釋之誤矣

大樂正學舞干戚語說命乞言皆大樂正授數大司成論

說在東序

注學以三者之義也戚斧也語說合語之說也數篇數論說課其義之深淺才能優劣此云樂

正司業父師司成即大司成司徒之屬師氏也師氏掌以
蠶詔王教國子以三德三行及國中失之事也新安王氏
曰論說者即舞干戚語說之數為講論而詳說之也江氏
永曰大樂正小樂正所教者儀文器數別設大司成一官
專講說義理故下文有侍坐於大司成函丈問答之事此
經官名官制不必盡與周禮合鄭以師氏當大司成固未
必然王氏謂大司成即大司樂亦非也

凡侍坐於大司成者遠近間三席可以問

注間猶容也容三席則得指畫

相分別也席之制廣三尺三寸三分則是所謂函丈也

終則負牆

注卻就後席相辟正義負牆而坐辟

後來問者列事未盡不問

注錯尊者之語不敬也

凡學春官釋奠于其先師秋冬亦如之

注官謂禮樂詩書之官周禮曰凡有

道者有德者使教焉死則以為樂祖祭於瞽宗此之謂先師之類也若漢禮有高堂生樂有制氏詩有毛公書有伏生億可以為之也不言夏夏從春可知也釋奠者設薦饌酌奠而已無迎尸以下之事

凡始立學者必釋奠于先聖先師及行事必以幣

注謂天子命之

教始立學官者也先聖周公若孔子正義諸侯言始立學必釋奠於先聖先師則天子始立學亦釋奠於先聖先師也天子四時釋奠不及先聖則諸侯四時釋奠亦不及先聖也始立學必用幣則四時常奠不用幣也知非天子始立學者以下文云有國故則否是廣記諸侯之國但天子立虞夏殷周四代之學若諸侯止立時王一代之學有大學小學耳

凡釋奠者必有合也有國故則否

注國無先聖先師則所釋奠者當與鄰國合也

若唐虞有夔伯夷周有周公魯有孔子則各自奠之不合也劉原父曰合謂合樂也春釋菜合舞秋頒學合聲程真則并合之以侑神也有國故謂凶札師旅也唯是不合朱子曰以下文考之有合當爲合樂國故喪紀凶札之類

凡大合樂必遂養老

注大合樂謂春入學舍菜合舞秋頒學合聲於是時也天子則視學焉遂

養老者謂用其明日也鄉飲酒鄉射之禮明日乃息司正徵唯所欲以告於先生君子可也是養老之象類陳用之曰後言天子視學遂適東序養老則視學養老皆同日也江氏永曰因大合樂而養老者宜用明日合樂養老不能一日行也其特視學養老者同日養老之時歌清廟管象舞大武而不合樂也

凡語于郊者必取賢斂才焉或以德進或以事舉或以言

揚注語謂論說於郊學大樂正論造士之秀者升諸司馬曰進士謂此矣

曲藝皆誓之以待

又語三而一有焉

注曲藝謂小技能也誓謹也皆使謹習其事又語謂後復論說也三說之中有

一善則取之以有
曲藝不必盡善

乃進其等

注進於以其序

注又以其謂

之郊人遠之於成均以及取爵於上尊也

注侯事官之缺者以代之遠之

者不曰俊選曰郊人賤技藝董仲舒曰五帝名大學曰成

均則虞庠近是也天子飲酒於虞庠則郊人亦得酌於上

尊以相旅正義語謂論課學士才能也郊西郊德謂有道

德事次德者解世事或吏治言揚者次事也雖無德無事

而能言語應對堪為使命亦舉用之曲藝小小技術若醫

卜之屬吳幼清曰曲謂一偏曲藝射御書數之屬誓蓋戒

勸之使勉於學三即上文德與事言也考察三者之中或

有其一即進其等於曲藝之上又自有高下為先後之序

也然曲藝雖已進等仍在郊學故謂之郊人金氏榜曰遠

之於成均謂遠於詩書禮樂之教也注以遠之為句失之

始立學者既興器用幣

注與當為釁字之誤也禮樂之器成則費之又用幣告先聖先師以

器然後釋菜

注告先聖先師以

不舞不授器乃退償于東

成

器成有時將用也

序一獻無介語可也

注釋菜禮輕也釋奠則舞舞則授器司馬之屬司兵司戈司盾祭祀授舞

者兵也言乃退者謂得立三代之學者釋菜於虞庠則饋賓於東序魯之學有米廩東序瞽宗也正義前云告器成此釋菜告器成將用兩告不同熊氏云用幣則無菜用菜則無幣按四時釋奠不及先聖知此用幣釋菜及先聖者以始立學及器新成重於四時常奠也熊氏云凡釋奠有六始立學一也四時釋奠有四通前五也王制師還釋奠于學六也釋菜有三春入學釋菜合舞一也此舞器釋菜二也學記皮弁祭菜三也秋頒學合聲無釋菜之文則不釋菜也釋幣唯一此數器用幣是也胡邦衡曰儀禮其賓於東序唯一獻無介但語可也。與依注為費音虛觀反

儀禮其賓於東序唯一獻無介但語可也。與依注為費音虛觀反

本亦作擯

教世子 注亦題上事

凡三王教世子必以禮樂樂所以修內也禮所以修外也

禮樂交錯於中發形於外是故其成也擇恭敬而溫文

心中也立大傅少傅以養之欲其知父子君臣之道也注

擇說擇猶教也言養者大傅審父子君臣之道以示之注謂為之行其禮

積浸成長之少傅奉世子以觀大傅之德行而審喻之注為說其義大傅在

前少傅在後注謂其在學時入則有保出則有師注謂燕居出入時是以

教喻而德成也注以有四師也者教之以事而喻諸德者

也保也者慎其身以輔翼之而歸諸道者也注慎其身者謹安護之

記曰虞夏商周有師保有疑丞注記所云謂天子也取以成說設四輔及

三公不必備唯其人語使能也注語言也得能則用之無則已不必備其官也小人

處其位不
如且闕
君子曰德德成而教尊教尊而官正官正而國

治君之謂也

正義喜樂從內生和諧情性故所以修內也
恭敬是正其容體故所以修外樂雖由中從

中而見外禮雖由外從外而入中交間錯雜於情性之中
宜發形見於身外謂威儀和美也其成也擇謂內外有樂
心既喜樂外貌和美恭敬溫文謂內外有禮貌恭心敬而
溫潤文章也在前在後謂行步動止之節喻曉也輔相也
翼助也作記之人更言記曰是古有此記作記者引之耳
設四輔及三公不必備唯其人皆古記之文語使能一句
是解前記所言四輔者案尚書大傳云古者天子必有四
鄰前曰疑後曰丞左曰輔右曰弼天子有問无以對責之
疑可志而不志責之丞可正而不正責之輔可揚而不
揚責之弼其爵視卿其祿視次國之君也○擇音亦

仲尼曰昔者周公攝政踐阼而治抗世子法於伯禽所以
善成王也聞之曰爲人臣者殺其身有益於君則爲之況

于其身以善其君乎周公優為之注聞之者聞之於古也于讀為迂迂猶廣也大

也黃氏曰迂者迂回委曲之義優者優勝之義也謂周公迂回委曲設教如成王有過撻伯禽之類

是故知為人子然後可以為人父知為人臣然後可以為人君知事人然後能使人成王幼不能泄詐以為世子則

無為也注以為世子若為世子時正義成王既無父今若周公以成王幼而為君前此未嘗習為世子之法也是故抗世子法於伯禽使之與

成王居注亦學此禮於成王側欲令成王之知父子君臣長幼之義

也君之於世子也親則父也尊則君也有父之親有君之

尊然後兼天下而有之是故養世子不可不慎也注處君父之位

也

覽海內之士而近不能教其子
則其餘不足觀矣。○令力呈反

行一物而三善皆得者唯世子而已其齒於學之謂也

注物

猶事也故世子齒於學國人觀之曰將君我而與我齒讓何

也曰有父在則禮然然而衆知父子之道矣其二曰將君
我而與我齒讓何也曰有君在則禮然然而衆著於君臣
之義也其三曰將君我而與我齒讓何也曰長長也然而
衆知長幼之節矣故父在斯爲子君在斯謂之臣居子與
臣之節所以尊君親親也故學之爲父子焉學之爲君臣
焉學之爲長幼焉

注學教

父子君臣長幼之道得而國治語

八

曰樂正司業父師司成一有元良萬國以貞世子之謂也

注司主也一人也元大也良善也貞正也正義物猶事也謂與國人齒讓之一事三善謂父子君臣長幼父子天性自然故云道君臣以義合故云義長幼有等級上下故云節父子長幼親屬易明故云知君臣於後始顯故云著此世子齒於學唯在學受業時若朝會飲食則各以位之尊卑諸子職云辨其等正其位是也斯語辭父子天性故云為子世子於君雖曰君臣異於義合故云謂之臣也○學音效下同

周公踐阼注亦題上事

庶子之正於公族者教之以孝弟睦友子愛王氏引之曰謹案慈愛也

字通作子謂教之以明父子之義長幼之序注正者政也庶子司馬之

孝弟睦友慈愛也屬掌國子之倅其朝于公內朝則東面北上臣有貴者以為政於公族者

齒注內朝路寢庭其在外朝則以官司士為之其在宗廟之中則

如外朝之位宗人授事以爵以官注外朝路寢門之外庭

羣臣之班正朝儀之位也宗人掌禮及宗廟也以爵貴賤

異位也以官官各有所掌也若司徒奉牛司馬奉羊司空

奉豕正義周禮諸子下大夫二人屬司馬公族內朝則西

方東面北上臣有貴者以齒皆同姓之臣不得踰越父兄

雖賤而在上子弟雖貴而處下若公族在於外朝與異姓

同處則以官之上下不復以年齒也此對路寢庭為外朝

若對庫門外朝朝士所掌三槐九棘之朝則此路門外廟

亦為內朝也故玉藻云朝於內朝宗人掌禮之官及宗廟

授百官之事以爵者隨爵之尊卑貴者在朝賤者在後又

以官之職掌各供其事江氏未曰宗廟如外朝之位謂亦

如外朝之以官不以齒非謂祭與朝同位也同姓無爵者

皆以昭穆序於阼階之東南西面北上昭為一行穆為一
行同異姓有爵者皆以爵序於西階之西南東而其登餽
北上士初立於門西北面得獻則移而東面北上其登餽

獻受爵則以上嗣

注上嗣君之適長子以特性饋食禮言

酌入也餽謂宗人遣舉奠盥祝命之餽也大夫之嗣無此

禮辟君也正義初尸未入之前祝酌奠于銅南尸入祭奠

不飲至此乃嗣子舉之特性云嗣舉奠盥入北面再拜稽

首尸執奠嗣子進受復位再拜稽首尸荅拜嗣子卒解拜

尸尸荅拜則此經所謂受爵也特性又云嗣舉奠洗酌入

尸拜受嗣子荅拜則此經所謂獻也特性又云無算爵之

後禮畢尸讓而出宗人遣嗣子及長兄弟相對而餽所謂

餽也以特性言之則先受爵而後獻獻而後餽今此先云

餽者以餽為重登謂登堂無事之時嗣子在堂

下餽時登堂獻受爵之時亦登堂○餽音俊

庶子治之雖有三命不踰父兄

注治之治公族之禮也唯於內朝則然其餘會聚之

事則與庶姓同一命齒于鄉里再命齒于父族三命不齒

不齒者特為位不在父兄行列中正義庶子治之應承前

臣有貴者以齒其公大事則以其喪服之精饘為序雖於

之下簡脫在此

公族之喪亦如之以次主人

注大事謂死喪也其為君葬皆斬衰序之必以本親也主

人主喪者次主人者主人恒在上雖有父兄猶不得下齒

若公與族燕則異姓為賓注

宗無相賓

膳宰為主人

注君尊不獻酒

公與父兄齒

注親也族食世

降一等

注親者稠疏者希正義族食謂與族人燕食也族人既有親疏燕食亦隨世降殺也假令齊衰一年

四會食大功三會食小功二會食總麻一會食是世降一等也江氏永曰斬衰本無精麤此言以其喪服之精麤據

常法本親之五服也

其在軍則守於公禰

注謂從軍者公禰行主也

公若有出

疆之政

注謂朝覲會同也

庶子以公族之無事者守於公宮正室

守大廟

注正室適子也大廟大祖之廟

諸父守貴宮貴室

注謂守路寢王氏引之曰釋文

作諸父守貴室曰本或作守貴宮貴室正義皇氏云或俗
本無貴宮者定本有貴宮謹案無貴宮者是也下文諸子
諸孫守下宮下室注曰下宮親廟也下室燕寢也如貴室
上有貴宮二字則鄭必分別釋之乃注但曰謂守路寢專
指貴室言之猶下注燕寢二字專指下室也再以經文考
之上文正室守大廟注曰大廟太祖之廟下文諸子諸孫
守下宮下室然則大廟對下宮言卽是宮之貴者適子固
已守之矣又何須諸父守貴宮乎若謂別有貴宮則諸侯
五廟之外別無他廟也孔氏不能釐正後儒不知貴宮二
字爲經文所無於是或以爲羣公四親廟或以爲昭廟或以
爲若魯公廟或以爲羣公四親廟諸子諸孫守下宮下室
皆不考鄭注釋文而臆爲之說也
注下宮親廟也下室燕寢或言宮或言廟通異語正義公
廟謂遷主載在齊車隨公行者也庶子官旣從在軍故守
於公齊車之行主也若庶子不從公行在國掌其留五廟
守守於公宮者與下文爲總正室守大廟各言其別
之孫祖廟未毀雖爲庶人冠取妻必告死必赴練祥則告

注赴告於君也實四廟孫而言五廟者容顯考為始封子也族之相為也宜弔不弔宜

免不免有司罰之至於賄賂承舍皆有正焉注弔謂六世以往免謂五

世承讀為贈聲之誤也正正禮也釋文舍又作哈賄賂哈

禮皆贈喪之物也車馬曰賄布帛曰賂珠玉曰哈衣服曰

禮總謂之贈贈猶送也正義從六世以至百世但有弔禮

四世同高祖有總麻之親五世則親盡但有袒免○冠古

亂反為于偽反免音問下同賄芳風反賄音附承音贈出注舍胡闇反

公族其有死罪則磬于甸人注不於市朝者隱之也甸人掌郊野之官縣縶殺之曰磬

盧注公族諸侯同族也磬麗繫也郊外曰甸去天其刑罪

子城百里內也不與國人同慮兄弟故繫之甸人則緘剗亦告于甸人注緘讀為鍼鍼刺也剗剗也宮割臙

為鞠讀書用法曰鞠說文籀窮治罪人也又云斲截也字

或作剗廣雅剗斷也段氏王裁曰采芑傳曰鞠告也謂鞠

禮記訓義 卷八 十二

即告之假借此告于甸
人亦是假告為鞠也

公族無宮刑獄成有司讞于公其

死罪則曰某之罪在大辟其刑罪則曰某之罪在小辟公

曰宥之有司又曰在辟公又曰宥之有司又曰在辟及三

宥不對走出致刑于甸人

注宮制淫刑成平也讞之言白也辟亦罪也宥寬也欲寬其罪

出於刑也又復也對荅也先者君每言宥則荅之以將更

寬之至於三罪定不復荅走往刑之為君之恩無已彬謂

讞當作灑說文議皐也水與灑同意公又使人追之曰雖然必赦之有司

對曰無及也

注罪既正不可宥乃欲赦之重刑殺其類也

反命于公

注自己刑殺公

素服不舉為之變如其倫之喪無服親哭之

注素服於凶事為吉於吉

事為凶非喪服也君雖不服臣卿大夫死則皮弁錫衰以居往弔當事則弁經於士蓋疑衰同姓則總衰以弔之今

無服者不往弔也。倫謂親疏之比也。素服亦皮弁矣。不往弔為位哭之而已。君於臣使有司哭之。盧注：變飲食終其月如其等之喪也。正義：素服衣常皆素，不舉饌食為之。變如其親疏倫輩之喪，身不往弔，無弔服也。乃親自哭之於異姓之廟。彬案：春秋莊二十一年左傳：夫司寇行戮，君為之不舉。况公族乎。○織依注音鍼之林反。刺之免反。告依注作鞠。久六反。

公族朝于內朝，內親也。雖有貴者，以齒明父子也。

注謂以宗族事

會正義言宗族在內朝，雖貴猶與賤

者齒者欲明父子昭穆之恩故也。外朝以官體異姓也。

注體猶連結也。正義外朝

主尊別不得以私恩異。宗廟之中以爵為位，崇德也。

注崇

高也。正義爵以德序廟中是尊嚴

之所。所主在德，故列爵為位也。宗人授事以官尊賢也。

注官各

有能。登餼受爵以上嗣尊祖之道也。

注上嗣祖之正統正義適子是先祖

之正體故使受爵於尸及升喪紀以服之輕重為序不奪

人親也注紀猶事也正義臣服君皆斬又以本輕者為下本重者為上不計爵尊卑為次序者是不奪人本

親之公與族燕則以齒而孝弟之道達矣注以至尊不自

者豈得相遺棄此孝弟之道達於下也其族食世降一等

親親之殺也注殺差也戰則守於公禰孝愛之深也注行主君父之象

正室守太廟尊宗室而君臣之道著矣注以其不敢以諸庶守君所重

父諸兄守貴室子弟守下室而讓道達矣注以其貴者守貴賤者守賤上

言父子孫此言兄弟互相備也○殺色戒反

五廟之孫祖廟未毀雖及庶人冠取妻必告死必赴不忌

親也親未絕而列於庶人賤無能也敬弔臨賻賵睦友之

道也古者庶子之官治而邦國有倫邦國有倫而眾鄉方

矣注鄉方言公族之罪雖親不以犯有司正術也所以體

百姓也注犯猶干也術法也正義國立有司之官以法齊

法無二制與百姓為一體也

刑于隱者不與國人慮兄弟也弗弔弗為服哭于異姓之

廟為忝祖遠之也素服居外不聽樂私喪之也骨肉之親

無絕也公族無宮刑不翦其類也注翦割截也正義公族既無宮刑當去其髮

故掌戮云髡者使守積罪注謂同族不宮者是也

天子視學大昕鼓徵所以警衆也

注早味爽擊鼓以召衆也警猶起也周禮凡用

樂大胥以鼓徵學士說文

昕旦明日將出也讀若希

衆至然後天子至乃命有司行

事興秩節祭先師先聖焉

注與猶舉也秩常也節猶禮也使有司攝其事舉常禮祭先師

先聖不親祭之者視學

觀禮耳非為彼報也

有司卒事反命

注告祭畢也祭畢天子乃入

之養也

注又之養老之處凡大合樂必遂養老是以往焉言始始立學也正養天子視學謂仲春合舞季春

合樂仲秋合聲之時也有司詩書禮樂之教官也於時天

子視學在虞庠之中有司釋奠既畢天子乃從虞庠入反

於國明日乃之東序而養老故云始之養也王氏懋竑曰

纂言以始字繼畢事反命而言謂卒事反命而始之養老

也適東序釋奠於先老遂設三老五更羣老之席位焉

注

奠之者已所有事也養老東序則是視學於上庠三老五

更各一人也皆年老更事致仕者也天子以父兄養之示

天下之孝悌也名以三五者取象三辰五星天所因以照
明天下者羣老無數其禮以卿飲酒禮言之席位之處
則三老如賓五更如介羣老如衆賓必也正義蔡邕以更
字為叟叟老稱又以三老為三人五更為五人臧氏琳曰
廣植禮記注曰選三公老者為三老卿大夫之老者為五
更亦參五之也漢書禮樂志曰養三老五更於辟雍李奇
曰王者父事三老兄事五更王氏懋茲曰釋奠於先老蒙
上有司行事之文亦命有司釋奠先聖先師命有司行事
而先老則親釋奠必無此理適饌省醴養老之珍具注親視其所有遂發咏焉
退脩之以孝養也注發咏謂以樂納之退脩之謂既迎而入獻之以醴獻畢而樂闕正義發咏以大射之禮約之當納賓之節按大射賓入及庭奏肆夏此養老既尊故用兩君敵禮入門即奏肆夏江氏永曰以鍾鼓奏之而無辭○听音欣

反登歌清廟既歌而語以成之也言父子君臣長幼之道

合德音之致禮之大者也

注反謂獻羣老畢皆升就席也反就席乃席工於西階上歌清

廟以樂之既歌謂樂正告正歌備也語談說也歌備而旅

射記曰古者於旅也語正義德下管象舞大武大合衆以

音謂歌清廟之詩致謂致極也

事達有神與有德也注象周武王伐紂之樂也以管播其

士也達有神明天授命周家之有神也與有

德美文王武王有德師樂為用前歌後舞

正君臣之位

貴賤之等焉而上下之義行矣注由清廟與武也陳用之

公於太廟登歌清廟下管象祭統曰夫大嘗禘升歌清廟

下而管象仲尼燕居曰兩君相見升歌清廟下而管象則

天子之祭祀養老饗諸侯諸侯相見魯之嘗禘皆升歌下

管貴人聲也歌清廟示德也管象示事也雜清奏象而言

文王之典季札見舞象而言美哉猶有憾則象為文王之

詩明矣江氏永日管者莛竹之總名以管奏象舞吹箛秉

翟而舞仲尼燕居云下管象武夏籥序典有司告以樂

是也大合衆以事即奏象舞武之事注闕終也告君以歌舞之樂終此所告者謂無筭樂王乃命公侯伯子男及羣吏曰

反養老幼于東序終之以仁也注羣吏鄉遂之官王於燕之末而命諸侯時朝會在

此者各反養老如此禮是終其仁心

是故聖人之記事也慮之以大注謂先本於孝弟之道愛之以敬注謂

省其所以養老之具王氏引之日上下五之字皆指事言不應此之字獨指人言愛疑作受字相似而誤也受者承

也繼也謂已慮之以行之以禮注謂親迎之如見父兄修之以孝養

大又繼之以敬也注謂親獻而語之紀之以義注謂既歌終之以仁注謂又以命諸侯歸於國復自

之是故古之人一舉事而衆皆知其德之備也古之君子

舉大事必慎其終始而衆安得不喻焉兌命曰念終始典

于學

注喻猶曉也兌當爲說說命書篇名殷高宗之臣傅說之所作典常也念事之終始常於學學禮義之府

陸菊隱曰鼓召學士釋奠於先聖先師以明大道之所本所謂慮之以大也設三老五更羣老之席位不敢少有怠忽所謂愛之以敬也又適饌省醴發味不致傷於質直所謂行之以禮也王氏懋竑曰大昕鼓徵所謂慮之以大也釋奠於先聖先師先老所謂愛之以敬也禮之大者所謂行之以禮也上下之義行所謂紀之以義也退脩之以孝養終之以仁本文原自分明聖人之記事也以下俱照前文各有所當但行之以禮當在脩之以孝養下偶倒其文耳彬謂此節總結上文脩之以孝養紀之以義終之以仁經內已言之慮之以大即合德音之致記文甚明愛之以敬行之以禮即養老設席位適饌省醴發味之事不必如陳吳陸諸家所說依經文次序一一縷分也○兌注作說

悅

同音

世子之記曰朝夕至于大寢之門外問於內豎曰今日安

否何如

注朝夕朝朝暮夕也日中又朝文王之為世子非禮之制世子之禮亾言此存其記

內豎曰

今日安世子乃有喜色其有不安節則內豎以告世子世

子色憂不滿容內豎言復初然後亦復初朝夕之食上世

子必在視寒煖之節食下問所膳羞必知所進以命膳宰

然後退若內豎言疾則世子親齊元而養

注色憂憂淺也不及文王行不

能正履羞必知所進必知親所食親猶自也養疾者齊元元冠元端也正義元端其衣則緇布衣也端正也其制正

幅袂二尺二寸祛尺二寸齊必用元者元是陰之色陰氣靜齊亦靜故用元也

膳宰之饌必敬視

注疾者之食齊和所欲或異

疾之藥必親嘗之

注試毒味也

嘗饌善則世

子亦能食

注善謂多於前

嘗饌寡世子亦不能飽

注又不及武以王一飯再飯

至于復初然後亦復初

注復常所服。上時掌反齊側皆反

禮記訓纂第八終